


AFRIČKI PJEŠAČKI POHOD

Pješački pohod na Sjeverni Drejkensberg: Južnoafrička Republika / Lesoto



Činjenice

PREGLED


- Planinarski pohod na Sjeverni Drejkensberg obuhvata prelaz preko široke strmine Sjevernog Drejkensberga na velikim visinama. Staza, koja je duga približno 40 milja (65 km), proteže se preko granice između Južnoafričke Republike i Lesota i potrebno je 5 napornih dana da se savlada. Pješački pohod je ispunjen veličanstvenim trenucima, uključujući i pogled od kojeg zastaje dah preko Amfiteatra na Đavolji zub, dok idete u pravcu Lančanih ljestvica, kao i posmatranje izlaska sunca sa Mpondžvane, prizor za koji itekako vrijedi naviti budilnik.
- Početak: parkiralište Sentinel, Kraljevski prirodni nacionalni park.
- Kraj: Hotel Katidral pik.
- Težina i nadmorska visina: riječ je o pješaćenju po visokim planinama u jednoj od udaljenijih oblasti lanca Drejkensberg. Hodanje može biti prilično naporno, a dani dugi. Treba imati dobar smisao za orijentaciju da bi prelazak bio potpuno siguran.

ODABIR NAJBOLJEG PERIODA I GODIŠNJEG DOBA

- Najbolji mjeseci za posjetu: april, maj, juni ili septembar, oktobar, novembar.
- Klima: ljeta u Drejkensbergu mogu biti veoma vruća i veoma vlažna. Zime su mnogo suše, ali padavine su uvijek moguće, koje u višim predjelima prelaze u snijeg. U proljeće i jesen dnevne temperature su idealne (između 60°F/15°C i 70°F/20°C), ali noću često padaju ispod nule.

TEMPERATURA I PADAVINE												
Prosječna maksimalna dnevna temperatura												
(°F)	72	70	70	66	63	60	60	63	66	68	70	70
(°C)	22	21	21	19	17	15	15	17	19	20	21	21
Prosječna minimalna dnevna temperatura												
(°F)	55	55	54	48	46	41	41	43	46	48	52	54
(°C)	13	13	12	9	8	5	5	6	8	9	11	12
Prosječne mjesečne padavine												
(Inči)	9,3	8,5	7,7	3,1	1,1	0,6	0,5	1,3	2,4	4,0	6,5	7,9
(Milimetri)	237	216	196	78	29	14	12	33	62	101	165	201
	JAN.	FEB.	MAR.	APR.	MAJ	JUNI	JULI	AUG.	SEPT.	OKT.	NOV.	DEC.

PROFIL PJEŠAČKOG POHODA



„Afrički pješački pohod“, dat iznad i na prethodnoj strani, odlomak je iz knjige „Klasični pješački pohodi“.

Na osnovu teksta „Afrički pješački pohod“ odgovori na sljedeća pitanja:

Pitanje 1: AFRIČKI PJEŠAČKI POHOD

Sveukupno uzevši, kakav utisak o ovom pješačkom pohodu ostavlja tekst?

- A Srednje težak: najbolje ga je obaviti u ljeto.
- B Srednje težak: mješavina planina i ravnica.
- C Težak: zahtijeva dobre pripreme.
- D Izuzetno težak: zahtijeva dobre sposobnosti penjanja po stijenama.

AFRIČKI PJEŠAČKI POHOD BODOVANJE 1

CILJ PITANJA:

Integracija i interpretacija: razvijanje tumačenja

Prepoznavanje glavne ideje deskriptivnog teksta mješovitog tipa

Maksimalan broj bodova

Kod 1: C Težak: zahtijeva dobre pripreme.

Bez bodova

Kod 0: Drugi odgovori

Kod 9: Bez odgovora

Pitanje 2: AFRIČKI PJEŠAČKI POHOD

Na kojoj visini se nalazi parkiralište Sentinel? Navedi odgovor u stopama i metrima.

.....stopa

.....metara

AFRIČKI PJEŠAČKI POHOD BODOVANJE 2

CILJ PITANJA:

Pristup i pronalaženje: pronalaženje informacije

Nalaženje informacije koja je eksplicitno navedena u grafičkom prikazu

Maksimalan broj bodova

Kod 1: Odgovara 8000 (stopa) KAO I 2440 (metara)

Bez bodova

Kod 0: Drugi odgovori:

- 8000 metara, 2440 stopa
- 6000 metara, 1830 stopa

Kod 9: Bez odgovora

Pitanje 3: AFRIČKI PJEŠAČKI POHOD

Zamisli da ideš na pješački pohod opisan u tekstu.

Koji od sljedećih mjeseci bi izabrao/la za odlazak na ovaj pješački pohod?

Zaokruži „april“, „juni“ ili „septembar“ i upotrijebi informacije iz tabele da navedeš razlog za svoj odgovor.

April

Juni

Septembar

.....
.....

AFRIČKI PJEŠAČKI POHOD BODOVANJE 3

CILJ PITANJA:

Razmišljanje i vrednovanje: razmišljanje o sadržaju teksta i njegovo vrednovanje
Obrazlaganje lične sklonosti upoređivanjem i vrednovanjem informacija iz deskriptivnog teksta mješovitog tipa

Maksimalan broj bodova

Kod 2: Zaokružuje „april“, „juni“ ILI „septembar“ I navodi razlog koji sadrži vrednovanje ili poređenje (eksplicitno ili implicitno) I precizno ukazuje na tabelu:

- April. Lijepo je i toplo. [vrednovanje]
- Juni: nema previše kiše. [podrazumijeva poređenje]
- Juni. Hladnoća me ne plaši. [vrednovanje]
- Septembar: nema previše kiše i nije previše ni vruće ni hladno.

Djelimičan broj bodova

Kod 1: Zaokružuje „april“, „juni“ ILI „septembar“ i navodi razlog koji precizno ukazuje na tabelu, ali ne sadrži vrednovanje ili poređenje:

- Septembar. Prosječna dnevna temperatura je 19 C.

Bez bodova

Kod 0: Daje odgovor koji ne ukazuje na tabelu:

- Septembar, jer spada u mjesece koje preporučuju. [ne ukazuje na tabelu]

Daje nedovoljan ili neodređen odgovor:

- Juni, zato što bi bilo lijepo. [neodređeno]

Pokazuje pogrešno razumijevanje materijala ili daje neuvjerljiv ili nebitan odgovor.

Kod 9: Bez odgovora

Pitanje 4: AFRIČKI PJEŠAČKI POHOD

Gdje bi, prema ponuđenim informacijama, boravio/la poslije drugog dana hodanja?

- A Na parkiralištu Sentinel
- B Kod pećine Ifidi
- C Kod pećine Ruanka
- D Kod pećine Mpondžvane
- E Kod pećine Blizanci
- F U hotelu Katidral pik

AFRIČKI PJEŠAČKI POHOD BODOVANJE 4

CILJ PITANJA:

Pristup i pronalaženje: pronalaženje informacije

Nalaženje informacije koja je eksplicitno predstavljena u deskriptivnom tekstu mješovitog tipa

Maksimalan broj bodova

Kod 1: C Kod pećine Ruanka

Bez bodova

Kod 0: Drugi odgovori

Kod 9: Bez odgovora

Pitanje 5: AFRIČKI PJEŠAČKI POHOD

Koji dan pješačkog pohoda bi, prema tvom mišljenju, bio najteži? Iskoristi ponuđene informacije da navedeš razlog za svoj odgovor.

.....
.....

AFRIČKI PJEŠAČKI POHOD BODOVANJE 5

CILJ PITANJA:

Razmišljanje i vrednovanje: razmišljanje o sadržaju teksta i njegovo vrednovanje

Obrazlaganje mišljenja upotrebom informacija iz deskriptivnog teksta mješovitog tipa

Maksimalan broj bodova

Kod 1: Ukazuje na 1. dan, 2. dan, 3. dan, 4. dan ILI 5. dan KAO I navodi razlog koji je uvjerljiv i u skladu s tekstem. Mora ukazati (eksplicitno ili implicitno) na tekst:

- 1. dan. Sve vrijeme je uzbrdica.
- 2. dan. Prema mom mišljenju, ići uzbrdo, pa nizbrdo, onda uzbrdo, pa opet nizbrdo gore je nego ići stalno uzbrdo ili nizbrdo.
- 3. dan. Uključuje užasan planinski vrh.
- 4. dan. Planinski vrh djeluje prilično težak.

- 5. dan. Sve vrijeme je nizbrdica.

Bez bodova

Kod 0: Daje odgovor koji ne ukazuje na tekst.

- 1. dan, još se ne biste navikli. [ne ukazuje na tekst]
- 5. dan. Do tada biste bili potpuno iscrpljeni! [ne ukazuje na tekst]
- 3. dan, to je sredina puta, pa bi bio najteži. [ne ukazuje na tekst]

Daje odgovor bez objašnjenja.

- 2. dan. [bez objašnjenja]

Daje nedovoljan ili neodređen odgovor.

- 1. dan jer bi bio težak. [neodređeno]

Pokazuje pogrešno razumijevanje materijala ili daje neuvjerljiv ili nebitan odgovor.

Kod 9: Bez odgovora

Pitanje 6: AFRIČKI PJEŠAČKI POHOD

Kojeg dana pješačkog pohoda bi ujutro vidio/vidjela izlazak sunca koji se spominje u pregledu?

- A 1. dana
- B 2. dana
- C 3. dana
- D 4. dana
- E 5. dana

AFRIČKI PJEŠAČKI POHOD BODOVANJE 6

CILJ PITANJA:

Pristup i pronalaženje: pronalaženje informacije

Nalaženje informacije povezivanjem podataka iz teksta sa onima predstavljenim u grafičkom prikazu u deskriptivnom tekstu mješovitog tipa

Maksimalan broj bodova

Kod 1: D 4. dana

Bez bodova

Kod 0: Drugi odgovori

Kod 9: Bez odgovora